



3026

Bosnia and Herzegovina
Federation of Bosnia and Herzegovina
CANTON SARAJEVO
Cantonal Civil Protection Administration

Broj: 01-04-591-1/25
Sarajevo, 09.09.2025. godine



SKUPŠTINA KANTONA SARAJEVO
n/r Elvedin Okerić, Predsjedavajući Skupštine
- o v d j e -

PREDMET: Odgovor na zastupničko pitanje, dostavlja se.-

V E Z A: Vaš akt broj: 01-04-31603-24/25 od 18.08.2025. godine

Poštovani,

U skladu sa čl. 211. i 214. Poslovnika Skupštine Kantona Sarajevo, zastupnica Danijela Kristić dana 14.08.2025. godine, postavila je sljedeće zastupničko pitanje:

„s obzirom na hitnost u postupanju i značaj djelatnosti gorskih službi spašavanja za Kanton Sarajevo odnosno za zaštitu i spašavanje ljudi, molim Vas da mi u što kraćem roku dostavite odgovor zašto Kantonalna uprava civilne zaštite Kantona Sarajevo nije postupila u skladu sa aktom Ministarstva pravde i uprave Kantona Sarajevo broj: 03-03-04-36724/25 od 07.07.2025. godine odnosno zašto nije izvršila nadzor nad zakonitošću rada Udruženja Gorska služba spašavanja Trnovo na osnovu člana 47. Zakona o udruženjima i fondacijama („Službene novine Federacije BiH“, broj: 45/02)“.

ODGOVOR:

Aktom Ministarstva pravde i uprave Kantona Sarajevo, broj i datum iz zastupničkog pitanja, u skladu sa članom 47. Zakona o udruženjima i fondacijama ("Službene novine Federacije BiH", broj: 45/02) zahtjevan je nadzor Kantonalne uprave civilne zaštite Kantona Sarajevo nad zakonitošću rada Udruženja Gorska služba spašavanja Trnovo, a vezano za prijavu zbog neslužbenog održavanja izborne Skupštine Udruženja Gorska služba spašavanja Trnovo, dana 08.05.2025. godine, koje je navedeno Ministarstvo zaprimilo dana 24.06.2025. godine.

Odredbama čl. 26., 28. do 32. Zakona o udruženjima i fondacijama, utvrđeno je da je kantonalni organ nadležan za vođenje registra udruženja za udruženja koja statutom predviđi da će djelovati na području jednog kantona, kao i za sve poslove i zadatke koji se odnosi na zaprimanje zahtjeva za upis u registar udruženja i postupak i način rješavanja tih zahtjeva.

Članom 33. Zakona o udruženjima i fondacijama, propisano je da udruženje, odnosno fondacija dužni su Federalnom ministarstvu, odnosno kantonalnom organu prijaviti promjenu statuta, naziva, sjedišta, djelatnosti, osobe ovlaštene za zastupanje i predstavljanje, članove organa upravljanja, pripajanje, razdvajanje ili transformaciju i prestanak rada udruženja odnosno fondacije, u roku od 30 dana od dana izvršene promjene, kao da da se o upisu u registar navedenih promjena donosi rješenje, te da primjerak tog rješenja kantonalni organ dostavlja Federalnom ministarstvu.

Članom 47. Zakona o udruženjima i fondacijama, propisano je da nadzor nad zakonitošću rada udruženja i fondacija vrši nadležni federalni odnosno kantonalni organ uprave u čije područje ulazi praćenje stanja u oblasti na koju se odnosi djelatnost udruženja ili fondacije.

Sve naprijed citirane odredbe, kao i činjenica da je Ministarstvo pravde i uprave Kantona Sarajevo u skladu sa svojim nadležnostima izvršilo upis promjena u Registar udruženja za Udruženje Gorska služba spašavanja Trnovo na osnovu održane Skupštine za koju je zaprimljena predmetna prijava, nedvosmisleno upućuje na zaključak da je po navedenoj prijavi trebalo da postupi nadležni kantonalni organ – Ministarstvo pravde i uprave Kantona Sarajevo, a ne da prijavu prosljeđuje Kantonalnoj upravi civilne zaštite Kantona Sarajevo.

U skladu sa članom 47. Zakona o udruženjima i fondacijama, Kantonalna uprava civilne zaštite Kantona Sarajevo je prikupila svu relevantnu dokumentaciju koja se odnosi na održavanje predmetne Skupštine Udruženja Gorska služba spašavanja Trnovo (orginal) i istu dostavila Ministarstvu pravde i uprave Kantona Sarajevo (akt broj: 04-40-510-2/25 od 03.09.2025. godine).

S poštovanjem,

Dostavljeno:

- Naslovu;
- a/a.

